


性靈集鈔之下

和書門	類	一八三二	函	二〇二	架	一七三	冊
-----	---	------	---	-----	---	-----	---

內閣文庫	和書	類	一八三二	冊	一七三	函	二〇五
------	----	---	------	---	-----	---	-----

內閣文庫	
番號	和 18322
冊數	17 ( 14 )
函號	205 66



書  
目  
録

三  
嶋  
大  
夫

淺草文庫

宗鏡  
末之

續遍照發揮性靈集補闕鈔卷第八目錄下

三嶋大夫為亡息女書寫供養法華經講說

表白文一首

講演佛經報四恩德表白一首

為先師講釋梵網經表白一首

有人為先舅修法事願文一首

和尚奉為祈皇帝轉讀大般若經願文一首

法苑珠林卷第八下目

有人爲亡親修法事願文一首

有人爲先師修法事願文一首

被修公家仁王講表白一首

高野山萬燈會願文一首

勸進奉造佛塔知識書一首

*三嶋真人姓名大夫官名助成續日本紀光仁帝朝右三嶋真人大湯坐者*

續遍照發揮性靈集補闕鈔鈔卷第八之下

三嶋大夫爲息女書寫供養法華經講說

表白文

三嶋真人姓名大夫官名助成續日本紀光仁帝朝右三嶋真人大湯坐者

弟子正五位上三嶋真人助成歸命三寶夫

苑河女人因愛子而生天上坐海丈夫發慈

悲以成大覺

苑河女人苑反巨升伽舊云恒河訛也西域涅槃經第一日如彼

世尊集卷之八

貧女在於恒河為愛念子而捨身命善男子  
 護法菩薩亦應如是密捨身命不說如來同  
 於有為當言如來同於無為以說如來同無  
 為故得阿耨多羅三藐三菩提如彼女人得  
 生安夫何以故以護法故云何護法所謂說  
 言如來同於無為善男子如是之人雖不求  
 正解脫所自至如彼貧女不求梵天梵天自  
 至法苑珠林第一曰又如涅槃經慈母於恒  
 河救兒兒母死得生梵天此是散心慈不以  
 餘定善助豈得生天此但據遠因非局散慈  
 則得上生心地觀經第二曰昔有女人遠遊  
 他國抱所生子渡旃伽河其水瀑漲力不能  
 前愛念不捨母子俱沒以是慈心善根力故  
 即得上生色究竟天作大梵王坐海丈夫

經律異相第九右坐海以救估客之章曰昔  
 者菩薩與五百商人入海採寶入海數月獲  
 寶重載將旋本土道逢飄風雷電震地水神  
 雲集四周若城眼中出火波涌灌山眾人啼  
 曰吾等死矣恐怖易色仰天求哀菩薩愴然  
 心生計曰吾之求佛但為眾生耳海神所惡  
 死屍為其危命濟眾斯乃開土之尚業矣吾  
 不以身血注海惡海神之意者船人終不被  
 于岸謂眾人曰爾等屬手相持并援吾身眾  
 人兼命菩薩即引刀自害海神惡焉漂舟上  
 岸眾人普濟船人抱屍號哭曰斯必菩薩非  
 凡庸之徒也躡躡呼天寧乎令吾等命殞于茲  
 無喪上德之士矣其言真誠上感諸天天帝  
 釋觀菩薩之弘慈帝釋下曰斯至德菩薩將

為聖雄今自活之以天神藥灌其口中并通塗屍菩薩即歟忽然起坐與眾相勞帝釋以名寶滿其舟中千倍于前即還本土九親相見靡不歡悅周窮濟乏惠逮眾生顯宜經教開化愚冥其國主服菩薩德詣稟清化君仁臣忠率土持戒家有孝子國豐毒歇黎庶歡喜終生天上長離眾苦菩薩累劫精進不休遂至得佛殺身濟眾者吾身是也天帝釋者彌勒是也五百商人者今座中五百百應真是也又出度無極集又出殺身濟估人經

然則兼愛受樂之因大悲脫苦之本三世如去因之成道十方薩埵行之證滅兼愛莊子仲丘謂老

聯曰兼愛無私此仁之情也如去大日經疏第一曰一切諸佛得如是安樂性直至涅槃中今佛亦如是去故名如去滅滅諦涅槃理

因果相感宛如嚴響業緣唱和還均形影生緣聚則春苑之華不足譬其咲死業至則秋林之葉何得喻其悲一生一死令人溺苦樂之水仁離仁沒幾許絕人間之腸哀哉悲哉

生緣聚凡物之生也皆有因緣因緣熟則生焉人家生子其歡咲也春華之咲不足為譬

也

伏惟今日法主三嶋真人氏昔植良因今鍾

善果氏是族姓人則珪璋一心事百君四攝

引群生鍾文選注曰鍾當也善果謂生族

姓也太日經曰若族姓男族姓女云珪璋

見于第五卷又佛祖通載第十二曰義淨三

藏法師姓張齊州范陽人家世珪璋今按第

引者珪璋喻高明如玉佛祖通一

載謂指紳為珪璋今兩通矣一心事百

君見于第四卷

粵右一鍾愛女息婦容具而至孝婦德備而

醮人所冀保龜鶴之永歲遊椿桃之遐年容婦

婦德四德中二也

醮冠取女禮祭名並見

誰圖四大毒蛇忽闖身城五蘊惡鬼仁亂心

府洗胃名醫針灸無驗返魂妙香空焚無力

四大毒蛇如第一卷五蘊翻譯名義集曰

塞健陀此云蘊蘊謂積聚古翻陰陰乃蓋覆

積聚右為蓋覆直性又仁王云不可說識生

諸有情色心下法色名色蘊心名四蘊皆積

聚性隱覆，眞實此以色受想行識名五蘊。經疏記具音義指歸云：漢來翻經爲陰，至晉僧叡改爲衆，至唐三藏改爲蘊。洗胃後漢書曰：華他字元化，沛國譙人也。一名專遊學，徐士兼通數經，曉養性之術，年且百歲而猶有壯容。時人以爲仙，沛相陳珪舉孝廉，大尉黃琬辟皆不就。精於方藥，處齊不過數種，心識分銖不假稱量，針灸不過數處，截七八丸若疾發，結於內，針藥所不能及者，乃令先以酒服麻沸散，既醉無所覺，因剝破腹背，抽割積聚。若在腸胃，則斷截，湔洗除去，疾穢既而縫合，傳以神膏，四五日創愈。十月之間皆平復。返，眞妙香，東方朔十洲記曰：聚窟在西北，中申未之地，地方三千里，北接崑崙，二十六

萬里去東岸二十四萬里，上多眞仙靈宮，宮第比門不可勝數。及有獅子辟邪鑿齒天鹿長牙銅頭鉄額之獸，洲上有大山形似人鳥之象，因名之爲人鳥山。山多大樹，與楓木相類，而花葉香聞數百里，名爲反魂樹。扣其樹亦能自作聲，聲如群牛吼，聞之者皆心震神駭，伐其木，根心於玉釜中，煮取汁，更微火煎，如黑飭狀，令可丸之名曰驚精香。或名之爲震靈丸，或名之爲反生香，或名之爲震檀香，或名之爲入鳥精，或名之爲却死香。一種六名，斯靈物也。香氣聞數百里，死者在地聞香氣乃却活，不復亡也。以香薰死人，更加神驗。征和三年，武帝幸安定，西胡月支國王遣使獻香四兩，大如雀卵，黑如桑椹，帝以香非中

國所有以付外庫又獻猛獸一頭云云神香起  
天殘之死燕猛獸却百邪之魅鬼夫此二物實  
濟衆生之至要助政化之昇平豈圖陛下反  
不知真乎是臣國占風之謬矣云云靈香雖少  
斯更生之神丸也疫病災死者將能起之及  
聞氣者即活也芳又特甚故難歎也云云後元  
元年長安城內病者數百亾者大半帝試取  
月支神香燒之城內其死未三月者皆活芳  
氣經三月不歎於是信知其神物也乃更祕  
錄餘香後一且又失之檢函封印如故無復  
香也

遂乃去年七月十七日露珠翻荷上霜鐘散

枝下紗窓朝鏡忽失照覽之影羅帳夕燈空

餘燒心之焰嗚呼哀哉嗚呼哀哉露珠文選別賦曰秋

露如珠霜鐘山海經曰豐山九鐘霜降自鳴今言霜鐘者爲便對句謂霜下枝也言其逝去也如荷露瀉下霜葉零落窓鏡羅帳燈見物思人哀悼可知矣

雖云千空生死之夢萬觀陽炎之假天性之

悲易感鍾愛之哀難抑陽炎當詳下十喻注

雖朝夕流淚日夜含慟無益區區是故爲濟



以兒梵靈謹奉寫金字妙法蓮華經一部般

若心經一卷兼延五十八法侶講宣妙經與

義無益亡鬼若夫神足目連雖感激徹於骨髓號叫動於天地不能奈何現凡人矣

仰願鷲峰海會釋迦尊多寶分身三世佛開

示悟入一乘經普賢文殊觀音等舍利迦葉

同聞眾天龍八部五類天還念本誓利生願

哀愍加護證明知見就鷲峰海會至五類天舉所歸境三寶及餘類就

中初二句佛寶謂釋迦多寶釋迦分身及三世佛也多寶分身法華第四次一句法寶開示悟入四佛知見如來出現之本懷法華一乘之要領也如經第一次二句僧寶並列菩薩嚴聞同聞二眾後一句餘類亦是法華曼荼羅聖眾故舉為所歸

講演佛經報四恩德表白

弟子某甲歸命法界三昧之薄伽梵竭財金

剛等至之契線法界三昧薄伽梵法界体性智毘盧遮那佛也金剛等五土契

線金剛乘祕密經也等至大日經疏第十

六日等至者三昧名乃至等至者猶過去一切

諸如來皆乘此道至成正覺如過去未來現在一切如來亦復如是皆從此道乘此方便而成正覺故云等至也如三世佛至成正覺我亦如是如我今乘此道而至道場一切佛亦如是佛佛皆等本末究竟悉等故云等至也 契線契經也 契義線義如前已注

### 仰于填刻檀之誠尚精進剥皮之信

于填西域記第

五日橋賞彌國城內故宮中有大精舍高六十餘尺有刻檀佛像上懸石蓋郭陀衍那王出愛舊云優填之所作也云初如來成正覺已上王說也果天宮為母說法三月不還其王思慕願圖形像乃請尊者沒特伽羅子以神通力接工人上天宮親觀妙相彫刻栴檀如來自天宮

還也刻檀之像起迎世尊云云大來造像功德故畧之于填或作于闐與優填同精進剥皮未詳古鈔曰

智論所謂樂法其迹勇猛精進故稱為精進寶鑰中卷又曰雪童投身精進剥皮瑜師勤注亦引智論樂法之事智論第四十九日如

釋迦文佛本為菩薩時名曰樂法時世無佛不聞善語四方求法精勤不懈了不能得尔

時魔變作婆羅門而語之言我有佛所說下偈汝能以皮為紙以骨為筆以血為墨書寫此偈當以與汝樂法即時自念我世世喪身無數不得是利即自剥皮曝之令乾欲書其

偈魔便滅身是時佛知其至心即從下方涌出為說深法即得無生法忍

奉造五十五之大曼荼如來書寫十一部之

達磨曼荼羅奉造五十五大曼荼如來書作五十五軀佛像也即身成佛義

曰四種曼荼羅者一六曼荼羅謂一佛菩薩相好身又絲畫其形像名大曼羅又以五

相成本尊瑜伽又名大智印十一部達磨曼荼羅十部經也即身義又曰三法曼荼

羅本尊種子真言若其種子字各書本位是又法身三摩地及一切契經文義等皆是亦

名法智印

洗身垢於鏡字大悲乳水蕩心塵於訶字大

願力風薰五分妙香於法界宮殿飛一覺虹

幡於圓寂高嶽覆報恩雲乎無邊際熾妙法

筏乎有情界撞鯨鐘震法鼓大因大緣者字

大願力風大日經疏第九曰訶字門是菩提心寶與法字門虛空藏和合故得成巧色摩

尼能滿一切希願又曰訶字菩提心中具足一切如來力今與法字合故離諸繫縛無復

罍巖如虛空中風自在旋轉故名大力五分妙香五分法身名香如第七卷鈔法界

宮如前卷注一覺虹幡覺菩提也幢幡所謂標菩提勇健也釋摩訶衍論曰性淨本覺

法苑珠林卷八十一

九

三世間中皆采心不離熏習彼三而為一覺論  
 覺者佛陀義也今東方朔騷辭然思編曰載  
 文覺者菩提義也  
 雌霓而為旌薛綜注曰旌旗也右鈴為旌也  
 一云載虹霓而為旌東方大前漢相如傳曰  
 乘絳幡之素蜺兮云  
 圓寂涅槃也 鯨鐘  
 選東都賦曰發鯨魚鏗華鐘李善注曰薛綜  
 西京賦注海中有大魚曰鯨海邊又有獸名  
 蒲牢蒲牢素畏鯨鯨擊蒲牢輒大鳴凡鐘  
 欲冷敲大者故作蒲牢於上所以撞者為鯨  
 魚鐘右篆刻之文故曰華也向注曰云云法  
 鼓法華曰  
 擊大法鼓

夫生也非我願無明之父生我死也非我欲

因業之鬼殺我生是非樂眾苦所聚死亦不

喜諸意各逼生也非我願臣軌曰夫人之所

之父楞伽經第二二曰貪愛名為母無明則為父

生如昨日霜鬢忽催強壯今朝病死明夕徒

恃秋葉待風之命空養朝露俟日之形此身

脆如泡沫吾命假如夢幻無常之風忽扇四

大瓦解閻魔之使仁來六親誰憑如昨日選

法苑珠林卷之八下

九

潘安仁詩

日念此如昨日，強壯曲禮曰三十日壯，有室四十日強而仕，秋葉選潘岳楊氏七哀詩曰：漼如葉落，樹顛然雨絕天。朝露選古詩曰：人命如朝露。瓦解，史記曰：秦之積衰，天下土崩，瓦解，正義曰：言秦國敗壞若屋宇崩頽，眾瓦解散也。閻魔，名義集曰：琰魔，或云琰羅，此翻靜息，以能靜息造惡者不善業，故或翻遮謂遮令不造惡，故或閻磨羅經音義應云：夜磨盧迦，此云雙世，鬼官之惣司也。亦云閻羅，啖魔，敲之轉也。亦云閻魔羅社，此云雙王，兄及妹皆作地獄主，兄治男事，妹治女事，故曰雙主，或苦樂並受，故云雙也。使謂死也，經律異相第四十九曰：閻羅王問右三使者：一老，二病，三死，若有眾生三業行

惡身壞命終，應墮地獄。王問言：汝是天使，所召耶？王曰：汝見第一使者，不汝在人中，見頭白齒落，目視矇矓，皮煖肌皺，僂脊拄杖，呻吟而行，見此人，不罪人，言見王曰：汝何不自念我，亦當不罪人，言我時放逸，不自覺知。王曰：今當冷汝，知放逸苦，非父母兄弟，天帝先祖知識，僮僕等，過汝自造惡，今當自受。又問：汝見第二使，不汝本為人，頗見疾病，困篤，屎尿臭處，身卧其上，飲食須入，百節酸疼，流淚呻吟，不能語言，不答曰：見王問曰：何不念反？如第一使，又問：覺第二使，不頗見人死，身壞命終，諸根永滅，身體挺直，猶如枯木，拍棄冢間，鳥獸所食，不答曰：見如前語，已付獄率。有眾生惡經云：遣五使，五問，謂請大地獄。出長阿含經第十九

卷之八 六親 圭峯王孟蘭盆疏曰六親者  
大同小異 父母兄弟夫妻 或云男女 靈芝之記曰六親依  
老子注出之注中或云未詳何典若準漢書  
注云六親者父母兄弟妻子蓋隨人所立故  
有不同法數曰父六親伯叔兄  
弟兒孫母六親舅姨兄弟兒孫

朝朝夜夜勞衣食之奴歲歲月月繫恩愛之  
繩心肝爛離父離母之哭涕淚溢喪偶喪子  
之悲地獄猛炎發殺生之業餓鬼醜形生慳  
貪之罪死此生彼生死之獄難出入作鬼

病苦之怨易招

偶匹也謂妻也地獄餓鬼畧  
舉惡業所感之果以為誠矣

華嚴曰眾生所造十不善業乃是地獄畜生  
餓鬼受生因於中殺生之罪能令眾生墮於  
地獄畜生餓鬼若生人中得二種報一者短  
命二者多病至貪欲之罪亦令眾生墮二惡  
道若生人中得二種報一者  
心不知足二者多欲無厭云

悲哉悲哉三界之子苦哉苦哉六道之客自

非善知識善誘之力大導師大慈之功何能

破流轉之業輪登常住之佛果

善知識釋氏  
要覽曰摩訶

搬若經云能說空無相無作無生無滅法及  
 一切種智令人入歡喜信樂是名善知識  
 華首經云有四法是善知識一能令人入善  
 法中二能障礙諸不善法三能令人住於正  
 法四常能隨順教化云善誘陪煬帝講  
 留智者大師書曰庶憑善誘日灑塵勞  
 又夫此身非從虛空花生非從大地變現必  
 資四恩之德保是五陰之體非從虛空智論  
第十九日是身  
為臭穢不從華開生亦不從瞻蔔又不山寶  
山禮記問喪篇曰禮義之經非從天降也非  
從地出也人  
情而已矣

所謂四恩者一父母二國王三衆生四三寶

生我育我父母之恩高於天厚於地粉身損

命何劫得報自所謂至三寶四恩惣釋自  
生我至得報別釋父母恩

雖云父母生我若無國王旃弱相戰貴賤劫

奪身命難保財寶何守安萬生之室宅與四

海之康哉封其官邑授其爵祿為現世之顯

榮流後葉之美嚴國王之力只能使然自雖  
云至

使然國國王別釋 強弱相戰禮記樂記曰強者脅弱者暴寡知者詐愚勇者苦怯疾病不養老幼孤獨不得其所此大亂之道也孔叢子第五曰周室微王道絕諸侯力政彊劫弱眾暴寡云 安萬生菩薩遊經曰王者民之父母以法攝護眾生令安樂故

眾生於我有何恩德吾是從無始已來四生六道之中為父為子何生不受何趣不生若以惠眼觀之一切眾生皆是我親是故經云一切男子是我父一切女人是我母一切眾

生皆是吾二親師君所以眾生之恩亦須報

梵網經曰若佛子以慈心故行放生業一切男子是我父一切女人是我母我生生無不從之受生故六

道眾生皆是我父母  
世間父母但育一期肉身國王恩德亦助凡身若能斷生死之苦與涅槃之樂三寶之德不可思議言三寶者一佛寶二法寶三僧寶佛寶則具一切智智示眾生之正路法寶則



具難思功德能令持者與世出世之樂佛之  
 與法雖有如是功德若無僧寶不得流通言  
 僧者有菩薩聲聞等別若菩薩若聲聞不論  
 凡聖不簡持破誦傳經論授人智慧者皆是  
 名僧寶自世間至名僧寶二寶別釋一切  
智智大白經疏第一曰梵云薩婆婆若  
解即是一切智智釋論云薩婆婆若多者即一  
切智一切謂名色等無量法門各攝一切法  
至一切智惠力故一切世一切種盡遍知解  
是名薩婆婆若今謂一切智智即是智中之智

也非但以一切種遍知一切法亦知是法究  
 竟實際常不壞相不增不減猶如金剛云  
 不簡持破本業經下曰其受戒者入諸佛界  
 菩薩數中超過三劫生死之苦是故應受有  
 而犯者勝無不犯有犯名菩薩無犯名外道  
 以是故有受一分戒名一分菩薩乃至二分  
 三分四分十分  
 名具足受戒

風聞三世如來十方菩薩報四恩德悉證菩  
 提是故奉為四恩敬造某甲佛等敬寫某甲  
 經若干魚發普賢大士菩提行願心觀音慈

氏大慈悲心今日今辰拂洒荒穢之山亭鋪

肆經王之外筵驚覺法界諸尊延屈羅漢龍

象講宣甚深之奧祕供養諸尊之妙典風聞漢書

尉佗曰風聞老夫父母墓已壞削賈達國語注曰風采也采聽商旅之言也普賢大士

有十種無盡菩提行願觀音慈氏有大慈大悲救世大用故言發其心羅漢龍象美稱

僧也名義集曰大論云阿羅漢名賊漢名破一切煩惱賊破復次阿羅漢一切漏盡故應得

一切世間諸天人供養又阿名不羅漢名生後世中更不生是名阿羅漢云云

### 為先師講釋梵網經表白

先師古鈔曰石淵贈僧正勤操也勤操行狀見于第十卷影讚

維天長五稔孟夏之十三日惟丁卯曜惟那

頡返真法將僧正鄔波馱野法化某乙維天長選

顏延年余屈原文曰維有宋五年日日某云

鄔頡文殊師利菩薩所說宿曜經上曰七曜日月火木金土也其精上曜於天下直

于入所以司善惡而主吉凶也云金精太白胡名鄔頡波斯名數森勿天竺名戎訖羅云

爲法王菩薩爲法將所尊所重唯佛世尊是故應常念佛僧正釋氏要覽曰史云正者政也自正正人克敷政令故蓋以比丘無法若馬無轡勒漸染俗風將乖雅則故擇有德望者以法而繩之令歸乎正故云僧正此以偽秦僧若爲始也至梁普通六年勅法雲爲大僧正此加本朝以高麗觀勒爲僧正始鄂波馱野業疏三上曰中梵本音鄂波陀耶在唐譯言名依學依附此人學出道故自古翻譯多雜蕃胡傳天語不得嚴實故有訛僻傳云和上如昔人解和中最上此逐字釋不知音本又解云翻力生弟子道力假教生成得其遠意失其近語直諦所譯明了論疏則云優婆塞陀訶稍近梵音猶卒嚴論余親參

譯委問本音如上所述彦琮譯云郁波弟耶嚴相近也云云南海傳云鄂波馱邪者馱字音停駕切既無正体借音言也鄂波是其親近波字長喚中有阿字阿馱邪當教讀言和尚者非也乃若依梵本經律之文咸云鄂波馱邪譯爲親教師云云法化弟子也義如上記

髮侵肌甲削膚洗情塵於本淨水焚信香於

法界爐髮侵肌剃髮剪爪雖出家之常法今擬在家斷髮剪爪而表丹懇以設辭

也呂氏春秋曰於是剪其髮齋其手以身爲犧牲用祈福於上帝史記魯周公世家曰成王少時病周公乃自揃其髮沈之河以祝於神曰云洗情塵言洗六情之垢塵於本

來清淨之心水也華嚴第七十八日菩提心者如清淨水性本澄潔無垢濁故焚信香以信喻香信解法界真實之法故言法界爐法界比爐也僧史略中日經中長者請佛宿夜登樓手秉香鑪以達信心明日食以時佛即來至故知香為信心之使也

燃惠燈乎一如室散覺華乎三點堂歸命臺

上之大日投身樹下之能仁敢告訴乎心疾

慈悲三尊右靈證明燃惠燈言知智慧為燈明菩提為散華一如三點

即是道場覺華大日經疏第法自然此宗中佛陀名覺是開敷義謂由自然智慧遍覺

一切法如盛開敷蓮華無有點汙亦能開敷一切眾生故名佛也摩法師曰凡夫沈淪諸趣為煩惱所蔽進無寂滅之歡退有生死之畏故能發跡塵勞標心無上植根生死而敷正覺之華云見于護表制集贈金剛三藏開府及另制曰覺華外照智炬內明臺上大日梵網教主報身盧遮那佛也盧遮那此云光明遍照義與大日同故今盧遮那言大日也下義據梵網開題梵網經者是金剛頂淺略之分不空三藏釋故深祕說臺上盧遮那即金剛頂教主大日自受用身也樹下能仁千百億變化釋迦也梵網經文如投身亦與歸命一意心疾煩惱也煩惱未盡之人有悲哀憂愁焉遺教經曰於此眾中若所作未辦

者見佛滅度當有悲感云云三尊孟蘭盆新  
記曰三尊曰三寶並世所尊右靈范曄後  
漢書曰和帝追謚梁竦詔  
日寃而右靈嘉斯寵榮云云

風聞無情杞梓猶有父子之禮無智烏獺亦

懷親息之孝何况天地之尤靈含氣之最貴

誰忘父母之恩何忘師僧之德杞梓選王文

友之性豈伊橋梓注向曰伯禽康叔朝於成  
王見乎周公見而三笱之二子右駭色乃  
問於商子曰吾二子見於周公見而三笱  
何也商子曰南山之陽有木名橋南山之陰

右木名稱二子何不往觀也於是二子往觀  
之見橋木高而仰見梓木實而俯二子遂告  
商子商子曰橋者父道也梓者子道也言王  
公有孝友之性自天而成豈惟見橋梓而也  
尚書大傳孔子家語並有橋梓父子道之事  
杞字未詳左傳曰杞梓皮革自楚往也此  
良材非謂按杞韻會說文枹杞也云又柳屬  
云詩詁曰南山有杞注陸機曰杞一名苟骨  
案杞木木也陸說蓋誤以為枹杞也烏獺  
見于第二卷尤靈最貴抱朴子曰人之為  
物貴而性最靈

經中佛說有恩處有其四種父母國王眾生

三寶父母則生我哺我之功過於厚地國王  
則安我貴我之德逾於高天衆生則三世達  
親皆是考妣三寶者佛法僧也佛能開我生  
旨導示險夷法能沃我甘露除去熱惱僧寶  
之中有二種菩薩聖僧以四攝引我迷以四  
量醒我醉現前師僧之德四恩之中尤高尤  
深

經中大乘本生心地觀經曰佛言世間恩  
有其一四種一父母恩二衆生恩三國王恩

四三寶恩如是四恩一切衆生平等荷負父  
母者父有慈恩母有悲恩若我住世一劫說  
不能盡二衆生恩者無始以來一切衆生輪  
轉五道五爲父母各者大恩故三國王恩者  
福德最勝雖生人間得大自在三十三天常  
以其力護持國界山河大地盡屬國王是故  
大聖王以正法化能使衆生悉皆安樂安  
我如上所謂安萬生之室宅與四海之康哉  
者是也 貴我如上所謂封其官邑授其爵  
祿者是也 達親通親也中庸曰武王周公  
其達孝矣乎注曰達通也言武王周公之孝  
乃天下之人通謂之孝猶孟子之言達尊也  
又曰天下之達道五注曰達道者天下古  
今所共由之路即所謂五典云 險夷險謂

三惡道業報夷謂三善道及出世因東也熱惱煩惱也

何者父母之恩唯養一生之肉身國王之德

亦安一世之凡體三寶雖遍法界而都無見

聞所以知四恩之所在識三寶之可歸得現

前之安樂證後世之菩提者皆是現前師僧

之功也雖遍法界都無見聞約同體三寶

持三寶中釋氏要覽曰別體三寶此右二四諦十一因緣生空教是法寶四果緣覺是僧寶次大乘說三身如來是佛寶一空教是

法寶三賢十聖是僧寶任持三寶範金彫木繪塑形像是佛寶三藏文句是法寶剃髮染衣同一理一事是僧寶

是故斷臂仰不生之觀投身渴寂滅之偈良

有以也斷臂投身並如第七卷不生觀所謂心不可得之安心也寂滅之偈寂滅

為樂之偈也

伏惟先師德下人形佛心凡色聖神智慧懷

育照世之德宛如日月慈悲湧心濟人之功

還同船筏群品之耶孃一人之歸憑現復覆

我如天載我如地撫我若孃提我如父潤吾

似兩照我似燈人形佛心涅槃經純陀品曰南無純陀雖受人身心如佛

謂天子也

誰圖一朝天忽顛一夕地忽裂一夜燈仁滅

一旦河忽涸悲哉悲哉痛乎痛乎日月忽落

世間仁暗舟後忽沒衆生無拯齊那邵廣平王碑曰山崩

川竭星實日銷崑嶽既燬玉石俱燼語意相似

法華座上釋迦倏匿跡二論堂中龍猛忽滅

影四魔未除法將仁隱二界未盡法幢倏摧

釋迦龍猛亦以比先師論宗師故云依此立

中論十一門論並龍猛百論提婆善

宗四魔三界謂世間四魔未斷除三界衆生未度盡也一謂弟子之除魔之行未立師亦度生之願未盡也或謂言於太師一身之上四魔強敵未除三界苦因未盡也

經行階頭苔生無跡坐卧席中塵暗誰拂簾

月為誰流光苑華為誰添色松風每聽爛肝



竹籟觸目絕腸

經行釋氏要覽曰慈恩解云西域地濕豐壤為道於中往

來如布之經故曰經行十誦律云經行右五利一勦健勦音巢二有力三不病四消食五

意堅固階頭若生選沈休文詩宿階綠錢

滿客位紫苔生注銑曰綠錢者青苔也紫苔

亦同也無人行故此物皆生也簾月梁蕭

子範夏夜獨坐詩曰簾月度斜暉風花起餘

馥竹籟竹風也解者

作風竹看籟莊子所

天上天下之中何處更謁世出世間之裏何

刹遊化若歸多寶塔中耶當還鷲峰窟裏耶

一乘妙法何方演說三身歸命向誰吐響

寶多

塔鷲峰窟謂先師以為多寶佛以為釋迦尊也三身歸命言師已滅度世失三身向誰

吐歸命三身之聲

乎蓋以尊師也

迦陵哀音而今而今欲聽象王威儀何辰何

辰得見

迦陵哀音音楞嚴曰迦陵仙音徧十方界長水疏曰佛聲和雅眾所愛樂

聽之無厭如迦陵頻伽在於殼鳴勝餘鳥故

堪喻佛聲此鳥非常故云仙也哀音哀

婉之音也象王威儀智論第三十四日間

日何等是諸佛威儀答曰威儀名身四動止

譬如象王迴身而觀云又曰如象王視者若欲迴身觀時舉身俱轉大人相者身心專一是故若有所觀身心俱迴譬如師子有所擲擲不以小物故而改其壯勢佛亦如是若有所觀若有所說身與心俱常不散所以者何從無數劫來集一心法以是業因緣故頭骨與身為一無有分解云

哀哉哀哉悲哉悲哉弟子等歎雲湧曾悲雨  
灑向迷日月之遙流忘息日之速臨今僅為  
報罔極之恩澤答昊天之恩德海謹奉寫梵網

之妙經講演了義之奧旨忌日禮記祭義曰君子有終身之喪

忌日之謂也楞嚴曰時波斯匿王為其父王諱日營齋請佛官掖云長水疏曰先王崩日忌諱之辰故云諱日即自恣後之一日也諱忌也以忌舉吉事諱避其名云梵網太賢戒本宗要曰梵者能淨之義網攝有情之義也謂此經者乃至有頂生死大海拘持有情終致無上寂滅之岸無盡饒益諸飢渴類如世網故由斯世尊因梵網說一部宗要經開題有重重之釋了義智論第九曰依了義經者有了一切智人佛第一一切諸經書中佛法第一一切衆中比丘僧第一布施得大富持戒得生天如是等是了義經如說法師

說法有五種利一者大富二者人所愛三者端正四者名嚴五者後得涅槃是為未了義云何未了施得大富是為未了可解說法無財施而言得富得富者說法人種種讚施破人慳心亦自除慳以是因緣得富是故言未了是多持經方便說非實義云長水楞嚴疏曰了義者說教化他詮表義理無有覆藏窮理盡性稱實談故下文云宜勝義中真勝義性令汝會中定性嚴聞皆獲一乘寂滅場地非有餘說故名了義

仰願蓮華臺上盧舍那如來千百億國釋迦尊與四十心地法門眷屬十方塵刹一切賢

聖眾

四十心地梵網經上卷曰爾時蓮華臺藏座上盧舍那佛廣答生口十釋迦千百億釋迦所問心地法品諸佛當知堅信忍中十發趣向果云諸佛當知從是十發趣入堅法忍中長養心向果云諸佛當知從是十長養心入堅修忍中十金剛心向果云諸佛當知從是十金剛心入堅聖忍中十地向果云是四十法門品我先菩薩時修入佛果之根源十發趣十長養十金剛十賢也與十地共戒本宗要曰生長萬德名為心地法門眷屬大日經疏第一曰介時無量法門眷屬十皆現執金剛身顯發如來威猛大勢鈔曰東寺能化佛身既自內證心起加持身眷屬具實各各垂迹利眾生故云介也依此義者

法門眷屬者內證位菩薩金剛皆是入法不二  
二體故呼入云法門即是心法門佛菩薩不  
二即一意也又義云今法門眷屬者法門身  
現羯磨身也其義如上云 今按四十心地  
菩薩是人四十心地法門是法人法一致故  
謂法門為眷屬矣十方賢聖眾即四十心地  
菩薩也凡舉三寶謂佛及法門賢聖  
眾也 一切賢聖眾下蓋有闕矣

### 有人為先舅修法事願文

如來調御已示化滅非想長壽豈有長存有  
始有終生者有死合會有離良以有也  
調御如第

一卷非想長一  
壽八萬劫也

先舅某氏春秋稍高莫終耆壽誰圖此界緣

盡男女孤露痛當奈何痛當奈何  
春秋高史 呂后紀曰

高后用事春秋高云高言也 耆壽曲禮曰六十曰耆指使周禮曰八十曰耆 男女男子 孤露大部補注曰孤露子孟子云 幼而無父曰孤也 大經云貧窮孤露也

夫生死長夜假惠日以照朗眾生無歸依救

世而得酬  
無歸凡夫癡暗無福之修無所歸 托故言無歸也 救世謂佛菩薩

也法華第三曰善哉見諸佛救世之聖尊能於三界獄勉出諸眾生得酬言依賴佛菩薩救世之悲願得酬報於心者竒靈也

伏願彌陀種覺濡足本誓觀音勇猛接手悲

願橋艤八難之河化生八德之蓮種覺佛也

法華文句第五曰出世長者佛從三世真如實際中生至具佛威儀心如大海十方種覺所共稱譽濡足淮南子曰拯溺之人不得濡足也勇猛古鈔曰得大勢至菩薩也思益經曰我投足之處震動三千大千世界及魔宮殿故名大勢至或曰勇猛即菩薩

翻名也智論曰薩埵名眾生或名勇心是人盡欲得諸佛功德其心不可斷不可破如金剛山

接手授手也觀經曰觀世音菩薩執金剛臺與大勢至菩薩至行者前阿旃陀佛放大光明照行者身與諸菩薩授手迎接

八難名義集曰諸教典明八難者二惡道為三四北洲五長壽天六佛前佛後七世智辯聰八諸根不具受此果不得聖化故名難處或以世智辯聰名為生邪見家淨名疏

明二種八難一者凡夫住事小難二者乘住理小難事即界內小難理乃界外小難

難云小德極樂世界小功德池如前

聽苦空以開心蓮觀山毫而入無生廣及舍

難云小德極樂世界小功德池如前

聽苦空以開心蓮觀山毫而入無生廣及舍

# 靈同遊覺道

聽苦空觀經曰中品上生者乃  
 阿旃陀佛與諸比丘眷屬圍遶  
 放金色光至其所演說苦空无常无我讚  
 嘆出家得離眾苦行者見已心大歡喜自見  
 已身坐蓮華臺長跪合掌為佛作禮未舉頭  
 頃即得往生極樂世界蓮華尋開當華敷時  
 聞眾音讚讚歎四諦應時即得阿羅漢道云  
 山毫如第一卷注無生無生法忍也

# 和尚奉為祈皇帝轉讀大般若經願文

和尚指大師古鈔曰天長六年  
 年天下大疫是此時祈願歟

作過者也暗為福者也明明暗不徭一強一

弱覺智強則萬德圓愚迷弱則千殃侵強弱

非他我心能為能為白淨何讀經為不知此

義自他俱勞能覺此趣我師種智者也

過過罪也

懸指早疲暗無明也明覺智也一強一弱言

暗強則明弱明強則暗弱也愚迷弱當云愚

迷強也愚迷即暗故而今對句互詞故云愚

迷弱也言愚迷而弱則千殃侵也弱者指覺

智謂覺智者本覺真性光照所以彈勝而  
 萬德圓也黑闇者無明妄識習成所以劣弱  
 而千殃侵也我師佛也種智智論第二  
 十七日問曰一切智一切種智有何差別答

曰有人言無差別或時言一切智或時言一切種智有人言惣相是一切智別相是一切種智因是一切智果是一切種智略說一切智廣說一切種智一切智者惣破一切法中無明闇一切種智者觀種種法門破諸無明一切智譬如說四諦一切種智譬如說四諦義一切智者如說苦諦一切種智者如說八苦相一切智者如說生苦一切種智者如說種種衆生處處生廣說

伏惟我皇帝陛下定慧構體智慧熏心濡足  
 五濁授手四生三界之耶萬方之孃定慧構體言舉

體定慧也 五濁法華第一曰所謂劫濁

煩惱濁衆生濁見濁命濁文句第四有委釋廣故不注之

堯子不肖釋兒狂狼元元罪深旱疫為瘼愍

此險炭屈尊接佛洗心為香恭體為華百僧

克念轉讀大般若經觀念三解脫門堯子釋兒如第一

四卷注今堯釋比天子兒子喻元元元元元民也如第十一卷瘼末各切說文曰病也毛詩

曰未民之瘼險炭險難塗炭屈尊屈天子尊體頭面接佛足也古克念尚書克念作聖

三解脫門智論第五曰諸三昧者三昧空無作無相有人言觀五陰無我無我所是

名為空住是空三昧不為後世故起中毒是名無作緣離十相法五塵男女生住滅故是名無相有人言住是三昧中知一切諸法實相所謂畢竟空是名空是名空三昧知是空已無作云何無作不觀諸法若空若不空若有若無等如佛說法句中偈見有則恐怖見無亦恐怖是故不着有亦復不着無是名無作三昧云何無相三昧一切法無有相一切法不受不着是名無相三昧云諸禪定法中以是三定法為三解脫門亦名為三三昧云

**仰願空空一字蕩吾民之業智智二理茂吾君之福**  
空空一字謂般若教文一字一字皆說空空也吾民之業用南風之詩語

勢智智二理二理人法一空不生真理所照境萬品能照智非一故言智智二理並經所詮也

**不勞石舞甘澤沉溢不用柳枝毒氣殄滅**  
舞石

如第六卷 甘澤雨也 如第一卷注 華嚴第七十  
 七日興雲霖甘澤生哉一切果不用柳枝  
 千手經曰若為身上種種病者當於楊柳枝  
 手高僧傳曰耆域天竺人周流華竺靡有常  
 所神奇任性迹行不常汝南滕永艾兩脚纏  
 屈不能起行域取淨水一杯楊柳一枝拂水  
 向永艾而咒如此者三因以手搦永艾膝令  
 起即行如故釋氏要覽曰北人風俗每至重



午等毒節日皆以盆盛水內捕柳枝置之門前辟惡按灌頂經云昔維耶黎城民遭疫有一年少比丘名禪提奉佛散持摩訶神咒往為辟之疫人皆愈其禪提任彼國二十九年民安至其遷化民復遭疫民思禪提遂往其住處但見所嚼齒木擲地成林林下有泉民酌其水折楊枝掃拂洒病者皆愈毒氣消亡辟除眾惡毒氣癘氣也殄亦滅也韻增

上無為而尊下無事而安五類之天八道之

神同沐法水共登覺道八道神漢書武帝紀曰用事八神文類曰

武帝祭太一并祭名山於太壇西南除八通鬼道故言用事八神也一日八方之神也宋

文皇后哀策文曰八神警引良曰八神八方神也警策而引哀車也古鈔曰八道謂本朝五畿七道也五畿為今按古鈔說為得焉謂普迴向本朝之神也

有人為區親修法事願文

或疑謂此篇恐非大師之草矣

聞夫牟尼善逝開六行於娑婆同利三根之

客善逝菩薩地持經曰第一上昇永不復還故夕名善逝義六行六度行也如第一卷

娑婆名義集曰西域記云索訶世界三千大千國土為一佛之化攝也舊曰娑婆

又曰沙訶訶皆訛楞伽翻能忍悲華云何名娑婆是諸衆生忍受三毒及諸煩惱能忍斯惡故名忍土如來獨證自誓三昧經云沙訶漢言忍界真諦三藏云劫初梵王名忍梵王是世主故名忍土一云雜會世界長水云大千界之都名感通傳云娑婆則大千惣號孤山云舉其通名非指大千也三根謂上中下根三等之衆也古鈔曰法華三周根也謂法說上根身子譬喻中根四大弟子因緣下根學無學諸般聞或曰三法被機也謂般聞諦緣覺因緣菩薩度然今三法中但舉六度者影顯餘二也

藥師如來發十二於嚴城悉引四部之類

藥師本願功德經曰佛告曼殊室利東方去此過十殑伽沙等佛土有世界名淨瑠璃佛另藥師瑠璃光如來應正等覺明行圓滿善逝世間解無上士丈夫調御士天人師佛薄伽梵曼殊室利彼世尊藥師瑠璃光如來本行菩薩道時發十二大願令諸有情所未皆得云十二大願說文嚴城又曰如是我聞一時薄伽梵遊化諸國至廣嚴城住樂音樹下與大苾芻衆八千人俱至無量大衆恭敬圍遶而爲說法云善珠疏曰毘舍離或毘耶離或維耶離此傳梵語輕重不同耳唐言廣嚴謂此城廣大寬博嚴飭淨美故言廣嚴遊方所目之爲至此城名而隋譯本稱國誤也按嚴城是說經之會場而今言發十二於



莊嚴道場設純陀之妙供開須達之寶藏供

養一切三寶純陀妙供隨煬帝設齋願疏曰

請涅槃經第一曰今時會中右優婆塞是物

尸那城工巧之子名曰純陀云合掌向佛悲

泣墮淚頂禮佛足而白佛言唯願世尊及比

丘僧哀受我等最後供養為度無量諸眾生

故云今時世尊一切種智無上調御告純陀

曰善哉善哉我今為汝除斷貧窮無上法雨

雨汝身田令生法芽汝今於我欲求壽命力

色安樂無礙辯才我當施汝常命色力安無

礙辯何以故純陀施食有二果報無差何等

為一者受已得阿耨多羅三藐三菩提二

者受已入於涅槃我今受汝最後供養念汝

果足檀波羅蜜云純陀此須達名義集曰

須達多亦云修達多或婆須達多西域記云

唐言善施或名樂施舊曰須達訛也正名蘇

達多勝軍王大臣仁而聰敏積而能散賑乏

濟貧哀孤卹老時美其德号給孤獨云今此

長者給濟孤獨

之人名給孤獨

以此功德奉資為一所御靈等阿彌陀如來

示得道於六八之廣津觀世音大士開攝化

於九品之正路早遊極樂之刹令生蓮臺之

上云檀主樹罰之德等須達云二所御靈古

也六八廣津彌陀四十八本願也無量壽經說云

廣故不言示四十八願之廣津念得菩提之

道九品正路往生淨土修因有品得果有

差數至九品如觀經說注之恐博不言開九品九

生之正路攝化之也樹罰之德未詳

西洞之九千命每人令招蛇佶之八萬壽各

令受之云西洞九千蛇佶八萬並未詳佶按

作佶據此蛇佶韻會馨枯沃切俗作谷音非集韻

本蛇佶作蛇結

不入黃泉之九途不掌琰魔之二使直向安

養之寶刹必昇堯率之天宮黃泉九途左傳

故曰黃泉選海賦曰煨炭重燔吹燭九泉注

善曰言火之光下照九泉地有九重故曰九

泉琰魔二使牛頭獄率馬頭羅刹也楞嚴

第十曰凶者神識見大鐵城火蛇火狗虎狼

師子牛頭獄率馬頭羅刹手執鎗稍駢入城門向無間獄

有人為先師修法事願文

先師比丘丘故知

右人亦可可尺矣

夫大海雖深羅睺之脚能極其底蘊迷雖大

大士之手能擲他界

羅睺脚極大海中右羅

睺羅阿脩羅王亦有其餘衆生之類唯阿脩羅能得其底餘則不得法界亦余如來則得畢竟智慧敲聞不得名義集曰羅睺文句此云障持化身長八萬四千由旬舉右手障日月世言日月蝕云大士手能擲維摩經不思議品曰住不可思議解脫菩薩斷取三千大千世界如陶家輪着右掌中擲過恒河沙世界之外其中衆生不覺不知已之所往又復還置本處都不使人有往來想而此世界本相如故

然則深海不足為深大山不足為重雖云二

親之恩粉身難報嚴君之德殞命且酬然猶

養四大之肉身榮一世之富貴

嚴君今指國

母恩榮富

貴國王恩

至如照迷心以智燈長智身以法食拔三界

之苦因與四德之樂果大師之恩廣而無際

大悲之德高而無頂則知易沐難報暫受永

# 逸嚴師之功歟

法食生長法身養育慧命之食故言法食法華曰一者法

喜食二者禪悅食云四德所謂不遷名常

安穩名樂自在名我無漏名淨佛果四德也

涅槃大師師僧也四恩中三寶恩之一也

嚴師韓詩外傳第三曰凡學之道嚴師為

難師嚴於後道尊道一尊於後民知敬學ヲ

## 伏惟故禪尼某甲久植德本廣引衆迷形示

## 录儀業過丈夫志均除疑之根微心似四波

## 之縛底

除疑大日經疏第一曰如來祕密慧經云除蓋障菩薩於法會中欲知佛

身量故於大日健連尋之目連上至梵宮猶

觀如來若對目前至周極十方盡其神通勢

力亦復如是然後還歸方見除疑天女去佛

不遠見入於三昧便作是念我聞此天女通

達無量三昧門我當觀之今住何定也又盡

心力觀之不測其心所行之處聚集無量天

鼓一一皆如須彌山王以神力同時發聲欲

令出定而不能得乃至佛言我未發菩提心時

是天女已能住此三昧云根微一謂女諸

根微劣如俱舍頌疏曰女男根二增上者一有情

異二分別異至分別異者由此二根形相言

音乳房等別男形大女形小男言雄女言細

男乳房小女乳房大又曰女身形類音嚴作

業志樂差別名爲女性云並根一謂根信進

等五根微微妙神精也初說根微謂女也言志均除疑女也後說言志均除疑之五根精微也後說四波四波羅蜜菩薩也縛底此翻妾也名義集曰波帝此云夫主大論云一切女身無所繫屬則受惡名女人之体切則從父母少則從夫老則從子智證大師梵語千字文曰不妄全真梵語曰妾梵今四波羅蜜菩薩為女者以定門尊也女惠為男如前注也祕藏記曰四波羅蜜為定不空三十七尊出生生義曰由如來智出生四波羅蜜菩薩焉蓋三際一切諸聖賢生成養育之母祕藏寶鑰曰四波定妃受適悅於法樂

**每至曉鐘振響夕鼓吐音念念為思人生非**

**百年共營萬歲業賊日聚陳四魔之軍命**

**藤夜斷入死王之殃**念念為思是今日施主弟子尸之所思也

生非百年選古詩曰生年不滿百常懷千歲憂命藤如第四卷注死王涅槃經第三十四曰善男子一息一瞬衆生壽命四百生滅智者若能觀命如是是名能觀念念滅也善男子智者觀命繫屬死王我若能離如是死主則得永斷無常壽命大論第十七曰汝若生疑心死王獄吏縛如師子搏鹿不能得解脫蓋得薄草决第十七曰疏第十今后明為死王真言也故死王與后名異体同坎玄法亂脫軌云死王亦名后又疏第十釋云次



死主、真言是此、是閻羅明主也。此釋又死主、炎魔王、一、体、欬、或云、炎、炎魔王、變身、故云、尔、欬、云、后、珠、摩、智、證、大、師、說、曰、死、主、不、分、明、是、五、道、太、神、名、貴、淺、神、

雖、然、深、醉、癡、愛、醒、悟、無、日、久、覆、無、明、還、源、無、

期、自、非、朝、烏、舉、曜、春、雷、解、整、何、驚、長、眠、之、子、

昇、大、覺、之、岸、兼、紹、先、師、之、貽、朝、烏、謂、佛、日、也、春、雷、謂、法、雷、也、

義、如、貽、貽、謀、也、前、注、此、下、蓋、闕、焉、

被、修、公、家、仁、王、講、表、白

唐、突、三、尊、耶、孃、六、趣、構、殿、大、虛、之、無、際、建、都、

妙、空、之、不、生、五、眼、高、照、赫、日、之、光、非、儔、四、量、

普、覆、雲、之、幕、何、喻、三、尊、古、鈔、曰、仁、王、殿、若、教、主、釋、迦、及、普、賢、文、殊、

兩、脇、侍、也、或、曰、二、寶、也、或、謂、三、身、也、妙、空、非、世、間、易、解、之、空、是、法、性、難、解、之、空、故、言、妙、空、也、

衆、生、也、如、前、注、病、心、病、也、醫、藥、教、藥、也、不、違、凡、佛、施、為、無、非、救、療、衆、生、因、緣、不、有、暇、違、之、謂、

吾、子、多、病、醫、藥、不、違、奇、哉、大、哉、欲、談、古、卷、吾、子、

衆、生、也、如、前、注、病、心、病、也、醫、藥、教、藥、也、不、違、凡、佛、施、為、無、非、救、療、衆、生、因、緣、不、有、暇、違、之、謂、

也奇哉大哉歎四量普覆應病投藥之無邊  
不可思議也 舌卷楊雄解嘲曰談者卷舌  
而同嚴

伏惟我皇帝陛下百億之一得之貞百億

梵網經曰一華百億國一國一釋迦具如  
一得之貞晉書曰武帝登祚探策以卜世數  
多少既而得一帝不悅羣臣失色裴楷曰臣  
聞天得一以清地得一以寧王侯得一以為  
天下貞老子曰昔之得一者天得一以清地  
得一以寧神得一以靈谷得一以盈萬物得  
一以生王得一以為天下貞林氏曰義曰一  
以清明而垂象地之所以安靜而載物神之  
所以虛而靈谷之所以虛而盈皆此道也萬

物之所以生亦此道也後王之所以保正萬  
邦亦此道也其致之者言其清寧矣盈生正  
皆因此道而得之云云

悲物濡足濟時申手切輸一物納隍常息萬

黎安堵濡足拯也注如前申手亦同輸王逸

楚辭注曰痛也輸一物言輸一物之

失所也 納隍如第三卷注 安堵漢書高

帝紀曰吏民皆按堵如故注應劭曰按按次

第堵牆堵也師古曰言不遷動也

謹天長二年閏七月十九日於宮中及五畿  
七道設一百師子座延八百怖魔人一日兩

時奉演仁王護國般若經

五畿山和河泉攝  
五州七道東海道

東山道北陸道山陰道山陽道南海道西海道  
道 一百師子座護國品曰尔時世尊告波斯匿王等諸大國王諦聽諦聽我為汝等說護國法一切國土若欲亂時有諸災難賊來破壞汝等諸王應當受持讀誦此般若波羅蜜多嚴飾道場置百佛像百菩薩像百師子座請百法師解說此經於諸座前燃種種燈至廣大供養衣服卧具至一切供事每日一時講讀此經乃至如法修行災難即滅智論曰譬如師子於眾獸中獨步無畏佛亦如是於九十六種外道中一切降伏無畏故名人中師子其所坐處若牀若地皆名師子座釋氏

要覽曰鳩摩羅什秦云童壽昔在龜茲王為造金師子座以太秦錦褥鋪之請什坐說法

怖魔釋氏要覽曰梵語云比丘秦言乞士云肇法師云因果有三名一名怖魔即因出家時魔宮震動故至果上名殺賊者具正信

正因發勇悍心未佛果大菩提誓度一切眾生真實大心者方能震動魔宮二因中名乞士果上名應供三因中名破惡名破惡至果上名無生云

五忍開義忽寒各氣之霧諦審理仁聚休

徵之祥

五忍伏忍上中下地前三信忍上中

中下九地寂滅忍上下地十地十一地菩薩行品所說各氣說文曰各災也杜預左傳注曰氣天氣也

一誦勝義諦世俗諦二諦品休徵休美也  
善也慶也徵成也驗也明也並韻班固東巡  
頌曰明神屢應休徵及降齊那特進  
集甘露頌曰休徵屢動感極迴天

忽此白業奉資聖體伏願教令五忿揮輪劍

而降魔怨自性十六魔惟寶而滋福壽白業淨業

也教令教令輪身也五忿如第六卷又舊  
經曰若未來世有諸國王受持三寶者我使  
五大力菩薩往護其國一六金剛吼菩薩手持  
千寶相輪往護彼國二六龍王吼菩薩手持金  
輪燈往護彼國三六無畏十力吼菩薩手持金  
剛杵往護彼國四六雷電吼菩薩手持千寶羅

網往護彼國五無量力吼菩薩手持五千劍  
輪往護彼國輪劍五忿怒二形也自性自  
性輪身也十六十六大菩薩也惟寶謂寶  
器惟語助也亦三摩耶形也詩大雅桑柔篇  
曰稼穡惟實代食維好凡諸佛菩薩等主  
伴右二身一自性輪身二正法輪身三教令  
輪身謂自性輪身佛也其体性故正法輪身  
諸菩薩等也於其轉法輪故教令輪身忿怒  
明王等也於其降伏故一說正法輪身佛也  
一會教主故自性輪身菩薩等也本有相故  
教令輪身同前也後說與

洪祚永永哈茶后於猶短玉體堅密咲金剛

乎易滅

洪祚天子寶位也洪大也祚福也說文  
王體選曹子建贈白馬王彪詩曰  
王其愛王體俱享黃髮期  
又七發曰太子王體不任女

十善之風扇四天以不鳴條萬民之廩貯九

年以不拾遺忘其帝力悟其垂拱

王之所統御也 不鳴條塩鐵論第八曰古  
者政有德則陰陽調星辰理風雨時故條行  
於內敵聞於外為善於下福應於天周公載  
紀而天下太平國無天傷歲無荒年當此之  
時雨不破塊風不鳴條旬而一雨雨必以夜  
無丘陵高下皆熟西京雜記第五曰太平之

世則風不鳴條開甲散萌而已雨不破塊潤

葉津莖而已 貯九年禮記王制曰國無九

年之蓄曰不足無六年之蓄曰急無三年之

蓄曰國非其國也三年耕必有二年之食九

年耕必有三年之食以三十年之通雖有凶

旱水溢民無菜色然後天子食曰舉以樂

不拾遺東觀漢記曰牛馬放牧道無拾遺

忘帝力壤父之事見第一卷垂拱如第二卷

上福七廟茲被三嗣永拔無明根常遊太覺

觀 七廟禮記王制曰天子七廟三昭三穆與

太祖之廟而七鄭氏注曰此周制七者太  
祖及文王武王之祧與親廟四太祖后稷殷  
則六廟契及湯與二昭二穆夏則五廟無大

祖禹與一昭一穆而已益三明明言此福益  
七廟以合證二明也三明明如  
日臺觀文選注翰

太上皇姑射之遊與八仙無其極襄城之

德將千葉流其芳姑射見第襄城二卷並謂

淮南八公神仙傳曰漢淮南王劉安高帝之  
孫八公初詣髮眉皓素門吏先密以聞安使  
門吏自以意難聞之言畢八公皆化成十五  
童子色如桃華王世貞列仙傳同之但稱八  
公不稱名字史記索隱曰淮南要略云養王  
數千高林者八人兼非李尚左吳田由雷被

伍被毛被晉昌號曰八公  
也葉文選注曰世也

震位貳君名齊文主世子德比悉陀薩埵震

貳君並太子稱也解見文主世子禮記文

王世子篇曰文王之為世子朝於王季曰三

雞初鳴而衣服至於寢門外問內豎之御者

曰今日安否何如內豎曰安文王乃喜及日

中又至亦如之及莫又至亦如之其右不安

節則內豎以生口文主文主色憂行不能正履

王季復膳然後亦復初食上必在視寒暖之

節食下問所膳命膳宰曰未有原應曰諾然

後退悉陀  
薩埵見于上

監國之譽彌新紹構之功不墜

監國左氏閔公二年傳曰

晉侯使太子申生伐東山臯落氏杜注曰赤臯落其里克諫曰太子奉冢祀社稷之粢盛里克晉大也以朝夕視君膳者也膳厨故曰冢子君行則守右守則從從曰撫軍守曰監國古之制也夫帥師專行謀帥師者必誓軍旅宜號君與國政之所圖也非太子之事也廣韻曰監領也察也黃山谷題磨崖碑詩曰撫軍監國太子事紹構陳琳檄吳將校部曲文曰魏周榮虞仲翔各紹堂構克負折薪注銑曰堂構德業也

官貴飛美文武効能繞北極而竭力仰南風

而解慍鼎食有餘冠帶無盡

官貴官女貴人女官也文武文

官武臣也北極謂天子也注如前南風如第四卷鼎食三公也冠帶群臣也選沈休文恩幸傳論曰非論公侯之世鼎食之資注曰鼎食謂三公之家孔子家語曰子路南遊楚列鼎而食

普潤幽明廣及動植共沐股若之甘露同昇

解脫之蓮臺

幽明謂六趣之中人趣為明餘五為幽動植謂動物有情植物

非情也

高野山萬燈會願文

古鈔曰曩昔日每歲三時設此會也中廢唯一日設之十一月二十六日也近來改二十四日修之願文  
律古每年一度也

恭聞黑暗者生死之源遍明者圓寂之本原

其元始各有因緣  
黑暗謂無明也遍明謂本覺也圓寂涅槃翻名也廣

弘明集第十六啟曰除黑暗於四生遣无明於三界賢首大師釋曰德無不備稱圓障無不盡

稱寂

日燈擎空唯除一天之暗月鏡懸漢誰作三千之明至如大日遍照法界智鏡高懸靈臺

內外之障悉除自他之炎普舉欲取彼光何不仰止

不仰止  
日燈日輪以喻燈故言日燈二十謂大千世界也靈臺心也如第一卷注彼光即大日遍照智鏡高懸之光也仰止如序注

於是空海與諸金剛子等於金剛峯寺聊設萬燈萬華之會奉獻兩部曼荼羅四種智印

萬燈萬華之會奉獻兩部曼荼羅四種智印

於此空海與諸金剛子等於金剛峯寺聊設

萬燈萬華之會奉獻兩部曼荼羅四種智印

世靈集卷六

四一五



所期每年一度奉設斯事奉答四恩虛空盡

衆生盡涅槃盡我願盡四種智印四種曼荼羅也如第六卷虛空盡

華嚴行願品曰此廣大最勝供養虛空界盡衆生界盡衆生業盡衆生煩惱盡我供乃盡而虛空界乃至煩惱不可盡故我此供養亦無有盡念念相續無有間斷身語意業無有疲厭阿含十不可盡中曰五涅槃不可盡云云

爾迺金峯高聳下晚安明之培塿玉毫放光

忽滅梵釋之赫日金峯金剛峯寺也安明名義集曰鉢羅笈菩提淨

名疏云此云安明垂祐云入水最深故名安出諸山上故曰明西域記云唐言前正覺山如來將證正覺先登此山按法華文句第一二曰須彌此翻安明四寶所成高廣三百三十六萬里培塿如第四卷今言高野山高也玉毫眉間白毫也西域記序曰若失玉毫流照甘露灑於大千金鏡揚輝薰風被於右截梵釋赫日梵釋光明如赫日也今言依斯功故佛像放光也

濫字一炎仁飄法界除病質多萬華含笑諸

尊闕眼濫字智火種子也言萬燈濫字之智火照法界除衆生黑暗之病也質多

翻緣慮心言所供萬華即聖衆心蓮也曼荼  
聖衆心蓮咲向生界豁開五眼加持有情也  
皆觀解也心蓮本汗栗一  
多亦得汗栗賦名汗一  
栗賦亦得稱質多

仰願藉斯光業拔濟自他無明之他忽歸自

明本覺之自在奪他身光業尚書傳曰光大  
也今燈會故用光字

其實用大之訓無明他本覺自釋摩訶衍  
論第二曰楞伽主契經中作如是說余時世  
尊生大衆言諸佛子我念往昔於出時中我  
來依他於入時中他來依我故此經文明何  
義謂顯示二轉故云何顯示謂於出時中我  
來依他者即是下轉於入時中他來依我者

即是上轉此義云何我謂即是真如本覺如  
來藏佛故來謂受薰之義故依他者背自本  
体依無一  
明他故

無盡莊嚴放大日之慧光剎塵智印發朗月

之定照六大所遍五智依舍排虛沈地流水

遊林惣是我四恩同共人一覺無盡莊嚴無  
盡莊嚴藏也

大日經疏第一曰所謂莊嚴者謂從一平等  
身普現一切威儀如是威儀無非密印從一  
平等語普現一切音聲如是音聲無非真言  
從一平等心普現一切本尊如是本尊無非

三昧然此一二業差別之相皆無邊際不可度量故名無盡莊嚴藏也。刹塵智印又曰所云十佛刹微塵數者如來差別智印其數無量非等數譬喻之所能知且以如來十種智加各對一佛刹微塵以表衆會之數乃至從一智印各現執金剛身形色性類皆有表象各隨本緣性欲引攝衆生云云。排虛飛鳥沈地昆蟲流水鱗類遊林毛族也。

天長九年八月二十二日

### 勸進奉造佛塔知識書

佛塔名義集曰窰堵波西域記云浮圖又曰偷婆又曰私偷斂皆訛也此翻方墳亦翻圓

塚亦翻高顯義翻靈廟云又梵名塔婆發軫曰說文元無此字徐鉉新加云西國浮圖也言浮圖此翻聚相戒壇圖經云原夫塔字此方字書乃是物嚴本非西土之號若依梵本瘞屬佛骨所名曰塔婆云祕藏記曰寶塔右利曰率都婆無舍利曰制底又曰斯底漢家者畧而呼率都婆曰塔也。知識書幹緣之僧稱爲知識故化緣書名知識書本朝文粹第十三有慶保胤知識文一篇

### 敬勸應奉造佛塔曼荼羅等書

夫諸佛事業以大慈爲先菩薩行願以大悲爲本慈能與樂悲能拔苦拔苦與樂之基示

人正路是也所謂正路有二種一定惠門二

福德門定惠以開正法修禪定為旨福德以

建佛塔造佛像為要三世諸佛十方薩埵皆

營斯福智圓滿佛果維摩經注什曰一切善

明業也六度中前三度屬福德後三度屬惠

明一業具足必至佛道譬如兩輪能有所至

福德業則致相好淨土諸果報也惠明業得一切智果者也

是故比年為拔濟四恩具足一利於金剛峰

寺奉建毘盧遮那法界體性塔一基及胎藏

金剛界两部曼荼羅比年選鍾會檄蜀文曰

銑曰比近也毘盧遮那法界體性塔塔婆

即五輪所謂毘盧遮那之三摩耶形法界體

性之標幟也基大塔西塔也

然今工夫數多糧食難給古樂府隔谷歌曰

今思與諸貴賤四眾同斯功業所以一塵崇

大嶽一滴深廣海同心戮力之所致也選張茂先

勵志詩曰山不讓塵川不辭盈注善曰管子曰海不辭水故能成其大山不辭土故能成其高士不厭學故能成其聖

伏乞諸檀越等各添一錢一粒之物相濟斯

功德檀越釋氏要覽曰稱檀越者檀即施也此人行施越貧窮海

然則所營事業不日而成所生功德萬劫而

廣四恩飽現當之德五類饒幽顯之福同脫

無明鄉齊遊大日殿敬勸五類或曰謂五趣乎若以為五類天

蓋五類天中遊虛空天及龍可謂顯歟餘在幽攝矣

續遍照發揮性靈集補闕鈔鈔卷第八出下

慶安二年春三月二十有二日深更艸畢于  
城南安樂壽院東坊東軒

金剛佛子運敲

